

Headline **Berkat terus usaha sebar uemu**  
Date **06 Feb 2010**  
MediaTitle **Sinar Harian (Pahang)**  
Section **NEWS**  
Journalist **N/A**  
Frequency **Daily**  
Circ / Read **60,000 /**

Language **Malay**  
Page No **19**  
Article Size **183 cm<sup>2</sup>**  
Color **Full Color**  
ADValue **1,007**  
PRValue **3,020**



## Berkat terus usaha sebar ilmu

**KAMPUNG TANAH PUTIH –** Badan Khairat Kematian Orang-Orang Islam (Berkat) di sini terus berusaha membantu masyarakat dalam melaksanakan Fardu Kifayah.

Pengerusinya, Mejar (B) Zakaria Abdul Samad (*gambar*) berkata, Berkat berhasrat untuk meneruskan kursus yang dianjurkan seperti pengurusan jenazah seperti tahun-tahun sebelumnya.



Menurutnya, penyertaan menggalakkan yang diterima daripada masyarakat setempat yang diadakan bertujuan untuk berkongsi ilmu pengetahuan mengenai cara-cara yang betul melaksanakan salah satu Fardu Kifayah itu.

"Fardu Kifayah merupakan perkara yang wajib dilakukan oleh sesebuah komuniti Islam. Jika ia dilakukan oleh segolongan daripada mereka, maka terlepaslah kewajipan terhadap yang lain.

"Semua lapisan masyarakat, tidak kira muda atau tua yang menghadiri kursus ini akan memperoleh ilmu yang disampaikan secara menyeluruh bersama demonstrasi bagaimana cara untuk menyempurnakan jenazah mengikut tuntutan agama," katanya.

Zakaria berkata, semua peserta yang menyertai kursus turut disajikan dengan ceramah mengenai pengurusan jenazah pesakit HIV/Aids.

"Peserta perlu didedahkan dengan kaedah menguruskan jenazah pesakit HIV/Aids bagi mengelak sebarang kecauaian yang mengakibatkan mudarat kepada orang lain selain menghakis perasaan bimbang untuk menyempurnakan mayat pesakit itu atau penyakit," katanya.

Beliau berkata, mengikut perhatian, ramai peserta lelaki sudah berani menguruskan jenazah dan perkembangan tersebut dilihat sebagai sesuatu yang membanggakan.

"Berkat turut berhasrat untuk meneruskan kursus pada tahun ini bagi menambahkan bilangan pengurus jenazah dalam kalangan wanita setempat.

"Penduduk kampung dan golongan remaja perlu diberi pendedahan yang lebih luas mengenai tuntutan agama ini di samping memahami dengan jelas cara mengendalikan jenazah biasa atau yang bermasalah serta sukar untuk diuruskan," katanya.

Menurutnya, kewajipan tersebut perlu ditunaikan oleh umat Islam dan berkongsi ilmu cara yang betul mengikut adab dan keperluan dituntut agama.

"Saya berharap ahli Berkat dapat memberi kerjasama sepenuhnya dalam melaksanakan ibadah selain membantu masyarakat yang memerlukan pertolongan ketika menghadapi masalah menguruskan kematian.

"Saya juga berharap agar ahli dapat memberi lebih banyak cadangan untuk mengaktifkan persatuan ini di samping dapat memanfaatkan hasil peruntukan yang disumbang bagi kebaikan bersama," katanya.